



Сулейман-Стальский райондин общественно-политический газет
1931-йисалай акъатзава

КУЪРЕДИН ХАБАРАР

№28 (26394)

Жуьмя, 10-июль, 2020-йис
Газет гъафтеда садра акъатзава.
Маса гунин кьимет азадди я

Важиблу месэляяр веревирд авуна

И йикъара Дагъустандин вице-премьер Абдулмуслим Абдулмуслимова «Шурдере» клама кьанал ва цин гьамбархана эцигунин сифтегъан пай акъалтгарунин гьакъиндай совещание кьиле тухвана. Адахъ галаз санал и мярекатда Сулейман-Стальский райондин Кьил Нариман Абдулмуталибова, Россиядин МПР-дин федеральный агентстводин РагъакИдай патан Каспийскдин БВУ-дин руководитель Гьуьсейн Къурбанчиева, «Минмелиоводхоз Дагестан» ФГУП-дин директор Залкип Къурбанова ва масабур уштиракна.



Сулейман-Стальский райондин «Шурдере» клама 50 млн. кубометрдин объемдин цин гьамбархана эцигнава. Ам эцигиз 2012-йисуз башламишна. Цин гьамбархана цивди ацурун ва и гьал хуьн патал гьамиша яд галаз хуьн хуьтлуьн вахтунда Самур вацлай (Койсунский гидроузелдай) таъминарда. Цин гьамбарханадай яд Самур-Дербент дигидай цин кьаналдиз фида. Самур-Дербентский кьаналдай Шурдере авай цин гьамбарханадиз 17 километрдин мензилдиз яд агакьарунин эцигунин кьвалахар кьиле тухвай вахтунда адан патарив 500 гектардилай виниз уьзюмлухар ва багълар кутунва. Цин гьамбархана ишлемишиз вахкайдалай гуьгьуниз Самур-Дербентский кьаналдиз вири вахтунда яд ахъаюн фикирдиз къачунва. Амни Мегъарамдхуьруьн, Сулейман-Стальский ва Дербент районрин сергьятрай физва.

Хуьруьн майишатдинди тир Дагъустандин и регион патал и цин гьамбарханадин важиблубликай анал Абдулмуслим Абдулмуслимов, Гьуьсейн Къурбанчиев, Залкип Къурбанов, Нариман Абдулмуталибов рахана. Кьилди къачуртла, чи райондин Кьил Нариман Абдулмуталибова вице-премьердиз и цин имарат эцигдайла «село Эминхюр», «сельсовет Новомакинский», «село Даркуш-Казмалар» хуьрерин поселенийрин ва гьакни Мегъарамдхуьруьн райондин «село Каргас-Казмалар» хуьруьн поселенийрин агъалийрин интересар фикирдиз къачун тавунвайди лагъана. Кьилди къачуртла, Гюльгери-чай вацла яд аргухарун патал гьеле алатай асирдин 60-йисара Самур вацлай яд гьизвай кьанал Мегъарамдхуьруьн райондин Советское хуьруьн сергьятрай цийиз эцигзавай «Шурдере» цин гьамбарханадиз яд къвезвай кьаналдик кутунва. Нетижда чимивал гзаф хъайила Гюльгери вацла яд лап тимил жезва.

Къалагъандин майишатрин уртах дигидай церин къурулушдихъ галай хуьруьн майишатдин майдари СтГал Сулейманан райондин сергьятда 1273 гектар, Мегъарамдхуьруьн райондани 322 гектар тешкилзава. Гьа са вахтунда и кьанал тухудалди авай майишатдин рехъни туклуьр хуьвунвач, кьаналдилай яна фидай чкаяр тайинарнавач. Кьаналдин гьаркъувал са бязи чкайрилай 20 метрдиз, деринвални 8-9 метрдиз агакьзава, кьерехар тик хуьни инсанар ва мал-къара патал хаталувал арадал гъанва. Идалайни гьейри, и кьаналдилай са патай маса патаз фин патал 1-2 километрдин мензил атлана кьанзава. Вири и шартлари кьаналдин муькуь патта яшамин жезвай агъалияр, арендаторар патал татугайвилер арадал гьизва.

Абдулмуслим Абдулмуслимова, Нариман Абдулмуталибова гъайи вири и татугайвилер вичин гуьзчивилиз къачуна. И объектдин къвед лагъай этапдин эцигунин кьвалахар кьиле тухудайла эхирдай абур фикирдиз къачудайди лагъана. Эминхуьруьн сергьятрай физвай кьаналдилай элячдай алава яз къве муьгъни эцигда.

И гуьруьшмишвили мярекатдин сергьятра аваз Дагъустандин вице-премьер Абдулмуслим Абдулмуслимова ва райондин Кьил Нариман Абдулмуталибова «Комплексное развитие сельских территорий» госпрограмма уьмуьрдиз кечирмишзавай гьални веревирд авуна. Адан бинедаллаз чи района 2020-2022-йисара 2 школа, спортдин 3 комплекс, водопровод, 2 хуьре газдин линияр тухун ва маса социальный объекттар эцигун кьва.

Алай вахтунда и программадай Алкъвадрал ва Агъа-СтГал Къазмайрал школайрин цийи дараматар, Эминхуьре спорткомплекс эцигунин, Къасумхуьрел цин линияр тухунин кьвалахар башламишнава.

Дагъустандин вице-премьерди и эцигунин кьвалахар кьиле физвай гьал ахтармишун патал вич муьквал вахтара Сулейман-Стальский райондиз къведайди лагъана.

Абдин Камилов

Райадминистрацияда

Совещание кьиле фена

6-июлдиз райондин Кьил Нариман Абдулмуталибован регьбервилек кваз рабочий совещание кьиле фена. Анал район яшайишдинни экономикадин рекъерай вилик тухунин ва тугъвалдикай хуьн патал къабулнавай серенжемар алудунин къвед лагъай этапдал элячлуьн месэлайриз килигна.

Совещанидин эвелдай райондин территорияда коронавирусдин инфекция чкунин жигъетдай авай гьалдикай райондин центральный больницадин кьилин духтурдин везифаяр тамамарзавайди тир Жафер Къурбанисмаилован информациядихъ яб акална. Ада кьейд авурвал, кьенин йикъалди 114 кас чпин кьвалера духтуррин гуьзчивилик кьва. Абурукайни 24 кас и тугъвалдин жигъетдай сифтегъан положительный тест ганвайбур, 80 касни ахътинбурухъ галаз алакьа хъанвайбур ва 10 касни больницадилай къеций пневмония хъанвайбур я. ЦРБ-дин стационарда больницада стГалжем хъанвай 13 начагъди ава.

Абурукайни 2 кас COVID-19 положительный яз акъатнавайбур. Районда и тугъвалдикай хуьн патал серенжемар къабулзава.



Ограниченияр эцигай сифте йикъалай района 2000 кас ахтармишна, абурун арадай 131 касдик вирус кьвайди тестикъ хъана. 1320 кас духтуррин гуьзчивиликай худнава, 160 кас сагъар хуьвуна, кьвалериз ахъай хуьвунва. Эхиримжи йикъара начагъ хъайи касни авач.

Терапевтический отделенида ахъайнавай госпиталь 1-июлдилай агалнава. Масакар, бегълеяр алуькун ва сад-садавай яргъаз акъвазун давам жезва. И муьквал вахтара амай кранни вичин къайдадиз хкиз чи район гъазур я.

Совещанидал РФ-дин конституциядик дегишвилер куктуниз сесер гунин нетижаяр гваз ТИК-дин руководитель Нариман Мейланов ва райондин Кьилин 1-заместитель Лацис Оруджев рахана. Сесер гун Роспотребнадзордин вири истемишунрихъ галаз къадайвал кьиле тухвана. Гайи сесерай акъазвайвал, эхъ лагъайбур 89,79% ва акси яз сес гайибур 9,64% хъана.

УКС-дин начальник Роберт Мейланова «Комплексное развитие сельских территорий» госпрограммада иштиракзавай Агъа-СтГал-Къазмайрин ва Алкъвадрин школайрин, Эминхуьруьн спортшколадин, Къасумхуьруьн цин линияр ва Ичинрин хуьруьз газ тухудай линияр гьи гьалда аватла ихтилатар авуна.

Яргъивилел 38,8 км. алай «Сардаркент-Даркуш-Казмалар» магистральный водопровод алай йисуз акъалтларда. Алай вахтунда трасадин 28 километрда турбаяр кутазва. Кьуд хуьре (Карчаг, Чуьхверкент, Испик ва Орта-Стал) «Мой Дагестан – мои дороги» национальный проектдай куьчяр ремонт ийизва.

«100 школ» госпрограммадай 4 школадин проектрин документар гъазурнава (Къасумхуьруьн 1-нумрадин, Герейханован 1-нумрадин, Цийи Макъарин ва Кьварчагърин). Аялриз чимивал хуьн патал школайра отопительный системаяр дегишарун патал документар гъазур я.

«Комфортная городская среда» программадай Агъа-СтГалдал обелиск, Агъа-СтГалдал ва Герейханован хуьрера скверар туклуьрзава.

Экономикадин отделдин начальник Саняет Вагъабовади района налогар кьвалтазавай гьалдикай ихтилат авуна.

Хуьрерин поселенийр протоколра тайинарнавайвал яшайишдинни экономикадин рекъерай вилик тухунин сифте нубатда вилик акъвазнавай месэляяр гьалзавай гьалдикай хуьрерин поселенийрин администрацийрин кьилерин куьруь гьахъ-гьисабрихъ яб акална.

- Тугъвалдихъ галаз алакьалу яз ам чкун тавун патал къабулнавай къадагъа авунвай са жерге серенжемар алудуни чаз кьвалахдин дуьз режимдал элячИдай мумкинвал гуда. Яшайишдинни экономикадин хилер къайдадик куктун патал чи вилик хуьвуна кьанзавай гзаф кьвалахар акъвазнава. Чпи-чеб идара ийидай чкадин органрин, райадминистрациядин къурулушдин подразделенийрин ва жавабдар маса къуллугърин къуватар сад авуни район вири рекъерай акъадайвал вилик тухуниз куьмек гуда.

Алай вахтунда района коронавирусдин тугъвалдихъ галаз алакьалу яз са бязи рекъерай куьлухъ галамуькунар хъанватлани 30-далай виниз яшайишдин важиблу объектлар эцигунринни аваданламишунин кьвалахар кьиле тухузва, - кьейдна райондин Кьил Нариман Абдулмуталибова.

Совещанидин кьвалахдин нетижаяр райондин Кьил Нариман Абдулмуталибова кьуна. Санлай кьвалахар вилик тухун патал теклифар гана ва меслятар къалурна.

С. Баламетова

Мергьметлувилин къануралди

Меценатдин куьмекдалди

Коронавирусдин инфекция чкIунихъ галаз алакьалу яз санитарно-эпидемиологический гьал хьсанарунин жигьетдай серенжемар кыле тухунин мураддалди Агъа-СтIал-Къазмайрилай тир меценат Бабаев Салман Мегьамедрасуловича Сулейман-Стальский район вилик тухунин Фондуниз 5 млн. манатдин мергьметлувилин такьатар чара авуна.

Муниципальный райондин Кьил Нариман Абдулмуталибован къарардалди Сулейман-Стальский райондин центральный



больницадин кьилин духтурдин везифаяр тамамарзавайди тир Жафер Къурбанисмаилован ва общественностдин векилрин иштираквални аваз и такьатар ишлемишдай рекьер тайинарун патал къарар акъудна. Агъадихъ чна Салман Бабаева гайи мергьметлувилин такьатар С.-Стальский ЦРБ-дин материально-технический база мягькемарун, медработника руьгьламишун патал харж авунин гьахь-гьисаб гузва.

Чара авунай такьатар харж авунин сергьятра аваз коронавирусдин инфекциядик начагьбур сагьар хьувунин карда иштирак авур райондин 170 медработникдин банкдин счетриз руьгьламишунин мураддалди 2 млн. 580 агъзур манатдин къадардин пул яна. Материальный куьмекар духтурриз, медсестрайриз, санитаркайриз ва гьакIни тади куьмекдин отделенидин, инфекционный госпиталдин, терапевтический отделенидин, поликлиникадин ва участковый звенодин младший персоналдиз гана. Абурун арада райбольницадин ва участковый звенодин 47 духтур (гьар садаз 20 агъзур манат), райондин больницадин ва участковый звенодин 85 медсестра (гьар садаз 15 агъзур манат), младший персоналдик 38 кас (гьар садаз 10 агъзур манат) ава.

Райондин ЦРБ-дин материальный база мягькемарун патал Салман Бабаеван такьатрин гьисабдай гьакIни лабораториядин тадарак – гематологический анализатор Micro CC – 20 Plus (350 агъзур манатдин) ва биохимический анализатор (BioSystems A 15 Random Acces (1050000 манатдин ва 610-дан къадарда аваз FPP 2 (Алина) распираторар къачуна. ГьакIни хкун ва монтаж авунни кваз 705 агъзур манатдин кьимет авай дизелдин генератор (FE) LUE 100/400 КА къачуна. Ам ислен юкьуз, 13-июлдиз эцигун пландиз къачуна. Ставрополдай налачкакар атун гуьзлемишзава.

Харж тавуна аламай пулуни такьатри 45429 манат тешкилзава.

Важиблу месэладиз килигна

8-июлдиз Дагъустандин Гьукуматдин Председатель Артем Здунован регьбервилек кваз ВКС-дин режимда аваз совещание кыле фена. Анал Каспий гуьлуьн кьерех тирвал ва гьакIни пляжар ачухзавай чкайра санитариядинни гигиенадин жигьетдай



авай гьалдин гьакIндай важиблу месэладиз килигна. Вичин рахунра ада кьейд авурвал, гуьлуьн цин авай гьал разивал ийиз жедайди туш, ада гигиенадин нормайриз жаваб гузвач. Ихътин шартIара пляждин туризмдик рахаз хьун четин я. И авай чIуру гьал арадай акъудун патал вирибуру къуватар сад авун герек я.

И жигьетдай арадал атанвай гьал гуьнгьуник кутун патал къабулзавай серенжемрин гьакIндай анал информация гваз Дагъустандин эцигунрин ва яшайишдинни коммунальный майишатдин министр Малик Баглиев рахана.

Анал рахай юлдашри Каспий гуьлуьхъ галаз алакьа авай вири района цин михьивал хуьн таъминарун патал очистной тадарак (сооруженияр) эцигунин месэлайриз артух фикир гун чарасуз тирди кьейдна ва и кар кыле тухузвай чкайр чешне яз гана.

И важиблу месэла гьар йикъан гуьзчилик кваз хьун герек тирди кьейдна.

Абидин Камилев

Камалудин Гьажиеван - 80 йис

Уьлкведин зурба политологрикай сад

Зугьрабхуьр. Сулейман-Стальский райондин Гуьнепатан тIебиатдин гуьзел чкадал экIя хьанвай, еке ва баркаллу тарих авай и хуьруьн тIвар кьунмазди, рикел регьметлу шайр Рамазан Каитова и хуьруьз бахшна кьенвай шиирдин цIарар къеззва:

*Чехи туштIан, хуьруьн кьене,
Илгьам хуьдай рикел ав.
Берекагар галай еке,
Багьлар ав, никел ав.*

*Шумуд алим кье и хуьруьн,
Гьестер хьанва чи тарихда.
Мад кутазва илимдик кьуьн,
Чирвилерихъ чун къанихда.*

Къасумхуьруьвай 12 километрдин Кьибледихъ галай, 100-далай виниз кIвалер авай, 320-далай виниз агъалияр яшмиш жезвай Зугьрабхуьряй машгур ксар, кьилди къачуртIа, алимар гзаф акъатна. Камалудин Гьажиев, Малик Зейналов, Сарухан Агъаханов, Селимхан Агъаханов, Марат Азимов, Али Агъаханов, Мурад Агъаханов, Александр Османов, Шагмирзе Зейналов ва масабур. И кьегьал рухвайрикай сад тир тарихдин илимрин доктор, Россиядин илимрин Академиядин академик Камалудин Гьажиеван и йикъара 80 йис тамам хьана.

К. С. Гьажиев 1940-йисуз Зугьрабхуьре чIехи, савадлу ва гуьрметлу хизанда дидедиз хьана. Ада хайи хуьре юкьван школа, Махачкъала шегьерда медицинадин училище акъалтIарна, са шумуд йисуз вичин пешедай Кьиблепатан Дагъустандин районона кIвалахна. Гуьгьуьнлай чирвилерихъ къаних кьегьал хва Ленинграддин государственной университетдин РагъэжечIдай патан уьлквейрин чIаларин факультетдик экечIна. Студент тир йисара Камалудин Гьажиев араб чIал чирунал рикивай машгур хьана.

К. Гьажиева армиядин жергеяра кьуллугьна, Ватандин вилик вичин пак буржи кьилиз акъудна. Анай хтай Камалудин Гьажиева 1970-йисуз М. В. Ломоносован тIварунихъ галай Москвадин государственной университетдин тарихдин факультетдик экечIна. Ина кIелдай йисара ам Америкадин тарихдал, гьакIни инглис ва француз чIалар чирунал машгур хьана.

Камалудин Сиражудиновича США-дин общественно-политический фикирин гьална кIанзавай месэлайрай кандидатвилеин ва докторвилеин диссертацияр хвена.

Советрин ва Россиядин зурба политологрикай сад тир К. С. Гьажиева яргьал йисара Россиядин илимрин Академиядин мировой экономикадин ва международный алакьайрин Институтда илимдин кьилин кьуллугьгьли (сотрудник) яз кIвалахзава. И йисара ада цIийи Россиядин политикадин илим, политический философия ва геополитика арадал гьуник ва гуьгьуьнлай вилик тухуник зурба пай кутуна. Илимдин и хилерай К. С. Гьажиева 15-да-

лай виниз монографияр, вышний кIелдай заведенияр патал гзаф учебникар кьхена, чапдай акъудна.

Чна менфят къачур чешмейра лезги алимдиз кьецепатан



уьлквейрин 8 чIал фасагьатдаказ чизва лагьана кьхена. Амма Камалудин Сиражудинович лап хьсандиз чизвай Дагъустандин халкьдин шайр, райондин культурадин отделдин начальник Майрудин Бабаханова тести-къарзавайвал, алимдиз дуньядин халкьарин 14 чIал чизва, и жигьетдай адав гекьигиз жедай ксар са акъван гзаф туш.

Чи машгур алим К. С. Гьажиевакай макьала гьазурдайла, зи гьиле 1990-йисарин юкьвара журналист Р. Гусарова алимдивай къачур интервью авай «Новое дело» газетдин нумрани гьатна. Зи фикирдалди, ана авай бязи кьейдер чи газет кIелзавайбурузни итижлу жедая (Кьейдер лап куьрелди гьизва).

- Камалудин Сиражудинович, Кьуьне вири и кIвалахар квелай башламишна?

- Гьеле зун жегьил тир вахтара жувакай алим жедайди заз чизвай. Гьавилай, школадилай гуьгьуьнлиз, за медучилишеда, Ленинграддин университетда, МГУ-дин тарихдин факультетда кIелна, кьецепатан уьлквейрин чIалар ва тарих чирна. Дуьз лагьайтIа, маса чIалар чириз захъ гьевес, къаст авай. Са шумуд (араб, инглис, француз) чIалар за студент тир йисара чирна. Гила зун китай ва корей чIалар чирунал машгур я. Дуьз лагьайтIа, алакьзава, гьелелиг гафарган гваз, им заз бес жезва. Амма лезги чIал заз лап хьсандиз чизва. Дустари лугьуз-вайвал, лезги чIалал зун са бязи лезги литераторрилай хьсан рахазва. Зарафат я гьелбетда, ятлани хуш къеда кар я. МГУ кьутьгайдалай гуьгьуьнлиз аспирантурадик экечIна, Америкадин обществодин милли къанажагьдин, идеологиядин месэлайрай кандидатвилеин ва докторвилеин диссертацияр хвена. Эхиримжи цIуд йисуз зун политикадин илимдай экечIнава. Ятлани и илимди зун мад ва мад вичел чIугвазва, заз акI я хьи, и илимдиз зи майилвал, зи гьевес ава.

- И кардин гьавурда Куьн мус акьуна?

- Вири дуьшуьшдай арадал атана. МГУ-дин тарихдин факультетда зун дуньядин кьуьгьне девирдин тарих илим-

дин рекьелди чирунал машгур хьана, гьабуркай яз Кавказдин тарихни. ГьикI ятлани, зи фикир алай аямдин тарихди, кьилди къачуртIа, Америкадин тарихди вичелди желбна. Нетижда за са шумуд илим: тарих, философия ва гьа вахтунда чаз авачир политология сад-садахъ кIурна диссертация кьхена. Гьадалай гуьгьуьнлиз за политикадин илимдиз итижлу тир политологиядиз ва адахъ галаз алакьалу месэлайриз еке фикир гана. 80-йисарин эхирра политология диб хьанвай илимрик акатна.

- Гьакьикьни манада политология вуч я?

- Политология – им санлай политикадин алемдал машгур жезвай илим ва образованидин дисциплина я. Ана государство идара авун, политикадин кьайдаяр, политикадин культура, политикадин психология... ава. Гаф кватай чкадал лугьун: РагъакIдай патал «политология», «политолог» гафар авач, «политология» Россияда авай гаф я. Маса уьлквейра политикадин илим ва политикадин алим лугьузва.

- Чи властдин кьуллугьри Куь тежрибадикай ва Россиядин политологрин чирвилерикай менфят къачузвани?

- Эхъ, неинки Москвада, гьакIни маса политикадин ва экономикадин чIехи центрайрани. ИкI, мисал яз, зи кьуллугьгьлири ва аспирантри политический партияра, фракцияра, Гьукуматдин структурайра советникар ва консультантар яз кIвалахзава.

- Камалудин Сиражудинович, кьилди Кьез гьихьтин теклифар атана?

- Эхъ, вични гзаф сеферра. За саки вирибуруз «ваъ» лугьуз-ва... Зун алим я, гьамиша алим яз амуькда. Гзафбур и хилез чпин финансовый гьалар хьсанарун патал физва. Заз гьа жигьетдай гьална кIанзавай месэла авач.

- Кьез чи гележег гьихьтинди яз аквазва?

- Заз Дагъустан Россиядилай кьеце аваз аквазвач. Адан вири пакадин югъ, гележег Россиядихъ галаз ава. Россиядин составда аваз ва Россиядихъ галаз, вични эхиримжи йисара, Дагъустанди вич патал геополитический цIийи статус къазанишнава. Зун инанмиш я, Россиядин куьмекни галаз Дагъустанда хьсанвилехъ еке дегишвилер кыле фида...

80 йисан юбилей мубарак авуналди, чаз чи баркаллу ватангьли, РАН-дин академик, мировой экономикадин ва международный алакьайрин Институтдин илимдин кьилин кьуллугьгьли (сотрудник) Камалудин Сиражудинович Гьажиевахъ яргьал йисарин уьмуьр, мягькем сагьламвал, кIвалахда ва илимдин рекье мадни еке агалкьунар хьана кIанзава.

Хазран Къасумов, РФ-дин журналистрин Союздин член

Шкилда: К. С. Гьажиев

Чехи Гъалибвили - 75 йис

БАХТУНИН НАКЪВАР

(новелла)

Абидин Камилов

- Буба! Я буба! Гатфар ваз, муштулух аз! - гафар тикрариз, Эркиназ пакамахай, гафар чурал акъудай бацли хыз, шаддиз, еке теспачавал кваз, айвандик квай чехи бубадин патав кваллиз хтана.

- Вуч гатфар, я бубадин цуьк, алуькзавайди гатфар ваь, мекьки кьуд я. Белки ваз ахварай акур затI-матI аватIа? - хабар кьуна дивандал фарикъатдаказ кьатканвай чкадила аялдик квай теспачавал акур Сефер бубади.

- Ахвар - махар заз чидач, садра вун, кьарагна, захъ галаз айвандик атана, чи багъдиз килиг. Чи вири тарари цуьк ахъайнава. За тапарарзаваче, буба, ша, кIандатIа жувни килиг, - лугъуз, ада набут хъанвай чапла кIвачел кьецIи яшлу кас, минетар ийиз, гужуналди дивандилай кьарагъарна, айвандик тухвана. Белки и легъзейра Сефер бубани тIебиатдиз гъвечи аялдин вилерай килигзавай жеди... Женжел рушан "гатфар", "гатфар" гафарин таьсирдик кваз кIвалляй айвандик экъечIай, адазни гьакьикъатдани тарари цуьк ахъайнавайди хыз акъазвай...

Зулун эхирра, иллаки алахъай йифера, хъуьтIуь вич мукьва жезвайдакIай хабар гузвайтIани, югъ хъайила, ракъини адахъ цIай квай цIукI гъаз калтугзавай, гъич адан гелни тазвачир... Йифиз кьаял живедин кьирав янавай емиш тарари, векьер-кьалари пакаман ракъинин нурарик, цIурурай гимиди хыз, рапрап гузвай. ИкI, вилерин ишигъ тухудай хътин, и гуьзелвили кьуд пад нулламишнавай. Живедин кьирав янавай мерги гъалар, хуьшрекандин мукар магъир устIарди ипекдин гъаларикай хранвай сача хыз акъазвай. Вилик квай гьакьикъат адан хиялрин шикилриз элкъезвай...

- Буба, я буба! Чаз гила самбар пIинияр, машмашар жедани, гъа? - лугъуз, птул Эркиназа, бубадин гьил кьуна, шадвилай алай чкадал хкадарзавай. Бубадини, дерин хиялрик кваз, кефи хун тавурай лагъана, «ун», «эхъ» лугъуз, гъвечи птул секинарзавай. Амма адавай вичивай сакIани хиялрин чилинай экъечIиз жезвачир, на лугъуди, ам суьгъурда гьатгнавай...

Гъвечи аялди герен-герен ялиз хъуткьунарзавай адан гьил, ихтиярда амачирди хыз, тентес хъана, гьакI галтад жезвай. Сефер бубадин рикIел и макъамда 1945-йисан гатфар, советрин халкъди фашистрин Германиядин винел къазанмишай Чехи Гъалибвили югъ, вад йисуз санал даяейра хъайи юлдашрин, фронтда телеф хъайибурун ва гьакIни чан аламайбурун суьретар хквезвай... Амма кьвердавай кьизгъин жезвай ракъинин нурари Сефер бубадинни Эркиназан "хиялрин цуьквер" чилел вегъезвай. И кар акур Эркиназ михъиз перт жезвай. Чехи бубадини вичин суалриз бегъем жавабар тагуз акурла, эхир руша адан гьил кIевиз ялна хъуткьунарна, ам уяхарна. Адаз ам кIвачин кьилел ксанвайди хыз авай.

—Я буба, вун ксанване-е? Вучиз чи тарарал алай цуьквер чилел аватзава? Гила чаз недай алучаяр, пIинияр, машмашар гъинай кьведа? - лугъуз, шел кIанвай Эркиназа.

Эхир птулдин перишанвал акур Сефер буба адаз теселли гуз эгечIна: кьезвайди гатфар ваь, кьуд тирдан, абур

гьакьикъи цуьквер ваь, чпин «хиялрин цуьквер» тирдан, исятда, гатфар ваь, мекьки кьуд алуькзавайдан гъавурда тваз алахъна. Гатфарихъай тарари атирдин ни галай халисан цуьквер ахъагъайла, ам вичихъ галаз багъдиз тухуда лагъана секинарна ва вич, вичин вилерал акъалтнавай накъвар гъиливди михъиз, патав гвай студдал ацуьк хъана.

- Буба, я буба, бес вун вучиз шехъзава, вуна абур цуьквер ваь, живедин гьакIан кьирав я лагъаначирни? - лагъана, птул бубадин метIел ацуькна ва адан хъуьхверал аламай накъвар вичин назик гъилеривди михъиз эгечIна.

- Зун шехъзавач, бубадин, абур чи кьенин ислягъ уьмуьрдал кьару хъунин, шадвилин, бахтунин накъвар я. - ИкI лагъана, ада птул, са ни ятIани вичивай кьакъудзавайди хыз, вичин хурудив кIевиз агудна кьуна, адан пелез, хъуьхвериз теменар гана.

- Зи рикIел, куьз ятIани, бубадин цуьк, и легъзеда 1945-йисан гатфар, Гъалибвили югъ хтанвай. Къуй куь кьилел кьванни ислягъ цав хъурай, чаз мад гъич садрани даяедин цIай, каш, мекъ тахкурай, - лагъана кьуьзуь бубади, ухът аладаруналди.

- Чан буба, ахъая ман ви рикIел вуч хтанатIа, заз даяедикай ийидай ви суьгъбетриз яб гуз гзаф кIанда, - минетарна птулди.

- Де хъсан я, зи руш, яб це гила, вун гьикI хъайитIани залай, шкъакъ хыз, гьакI алатдайди туш, - дериндай ухът аладарна, вичин биришри кьунвай пел тIушунна Сефер бубади.

- Гитлеран Германиядин чапхунчийри вири дунья чпин пацук кутун ва халкьар лукIвиле тун пагал кьурмишай залум даяедикай, абуру чIурай шегьеррикай, хуьрерикай, телеф хъайи кьван инсанрикай, кьати женгера чи аскерри кьалурай кьегъалвилерикай за ваз ихтилатар гзаф авунай. ГьакI тушни, бубадин цуьк?

- Эхъ, буба, зи рикIел абур вири хъсандиз алама, - тади кваз рахана Эркиназ.

- Сифте, чаз кичерар гуз, пехи жанавурау, гишин кишер хыз, сивер ахъайна, сарар экъисна, чи Ватандал атай, немсерикай кьулухъди катна хъфидайла аквазмайди анжах са дабанар тир, - дамахдивди бубади рикI алаз лугъудай гафар тикрар хъувуна ада.

- Агъ, бицIи шейтIан! - хъуьрена Сефер буба. - Валлагъ, гафба-гаф рикIел алама, - тавазивиливди птулдин кьилелай кап аладарда. - Гъа икI, чна пехи жанавурау 1945-йисан майдин вацра чпин магъарада - Берлин шегьерда - кукIварзавай. Вири халкьарин вил душманди рей гунал, яни и даяеда чеб магълуб хъайиди, кIаник акагайди хиве кьунал, абуру гъилер хкажунал алай. Зун а вахтунда Берлин шегьердин патав гвай багъдин юкъва авай са госпиталда, яни залан хирер хъанвайбуьр сагъар хъийидай чкада, кьатканвай. И шегьердин РагъэкъечIдай пата кьиле феи са женгина, бомба хъиткьинайла кIвачел залан хер хъайи зун операция авур са суткадилай жув-жувал хтанай. Зун, жув-жувал хтайла, ракъинин экв аватзавай чIехи дакIардиз килигна, зи ягъай вил дакIардивай са кьад метрдин яргъа авай, са пад снаряддикди хана, алай пешер ва цуьквер шуьткъенвай, муькуь патал, лагъайтIа, памбагар эцигайди хыз, лацу цуьквер алай пIинидин тарце акъуна. А хилери гатфарин хъуьтуьл шагъвардал

пашмандаказ лепе гузвай. КIвач гипсда аваз, юзур тежез, кьатканвай заз гагъ-гагъ адай жуван ухшарни кьезвай. КIвач авай гьални вилериз бегъем такунвай за, жуван кIвачикай фикир ийидай чкадад, куьз ятIани, инсафсуз даяе себеб яз, и эйбежер гьалдиз атанвай пIинидин тарцин язух чIугъзавай. За жуван рикIай и залум, вагъши даяе мад ва мад сеферда негъзавай.

Садлагъана рак ахъайна, чина шадвилин хъвер аваз, чи палатадиз, яни чун кьатканвай кIваллиз, чи медсестра Надежда (вирида адаз «Надя» лугъудай) гьахъна ва ада хци ванцелди, шаддиз, акъатна гъарайна: " - Гъалибвал! Гъалибвал, зи играмибур! Даяе кублягъ хъанва, чун Гъалиб хъана! Шадвал ая, зи азизбур!" - лагъана, вичин патав гвай кравутдал кьатканвай са гъил галамачир жегъил сержант кьуна, кIвачел кьарагъарна ва адан галамай эрчи гъил вичин кьуьнел эцигна, адахъ галаз, элкъез-элкъез, кьуьл ийиз эгечIна. Абурухъ галаз масадбуруни шадвилай кьуьлер авуна.

Фадлай вил алай и багъа легъезди - «Гъалибвал!» - гафуни чи бедерани ивидик цIийи гьерекаг кутунай. И легъезе, и багъа декъикъаяр са чIавузни рикIелай алатдач, бубадин цуьк. А вахтунда чна, чун хайи Ватандивай гзаф яргъа авайтIани, гъар сада вич жуван кIвале, хайи хизанда авайди хыз гиссзавай... Эхъ, Ватандин гисс гьакъван зурба кьуват авай, аламатдин затI я, бубадин. А бахтлу декъикъайра гьатта чи залан хирерин тIални кваз яваш хъанай...

- Ахпа вуч хъанай е, чан буба? - кьарайсузвилелди суал гана Эркиназа. Са легъезе дериндай ял акъадарайдалай губъгуьниз, Сефер бубади вичин суьгъбет давамарна.

- Гъинал акъвазнай зун, бубадин цуьк? - суал гуда. - Гъан, рикIел хтана: хуш хиялри хайи Ватандиз «хканвай» зун, жув-жувал хтайла, яни хиялрикай хкатайла, садлагъана мад а дакIардиз килигна. Зи ягъай вил мад сеферда, чан бубадин кьизилдин кIус, са пад снаряддикди хана, пешер, цуьквер чурч хъанвай пIинидин тарце акъуна. Гатфарин назик шагъвардик дамахдивди лепе гузвай, эцигнавай памбагар хыз, сад хыз, цуьквер аламай тарцин муькуь патан хилерал алай пешери, и хабардал шадвал ийиз, явашдаказ кап язавайди хыз акъазвай. А цуьквери заз умудрин сел багъишна...

Ингъе, вазни аквазвайвал, кьецIи инвалид, набут хъанатIани, зунни саламатдиз кIваллиз хтана, куьн хътин хтулар, птуларни метIерал атанва. А йикъалай инихъ 70 йисар алатнаватIани, бубадин кьизилдин кIус, исятда зи вилерикай мад а пIинидин тар, заз умудрин сел, ачух хъвер багъишай адал алай цуьквер, жув феи женгинин рекьер караг хъувуна. Ваз зун ишехъна лугъуз са кIусни кичIе жемир, бубадин багъа цуьк. Зи вилерал атайбуьр бахтунин накъвар я. Абуру инсандин уьмуьр яргъи ийида...

И легъезе, садлагъана ахварикай кватай Сефер бубадин вил вичин чапла гьилел кьил эцигна, пелез курум-курум гьекъни акъатна, малаик хыз, кьужахда ксанвай птул Эркиназа акъуна.

- Агъ, уьмуьр, вун гьикъван гуьзел ва ширин я! - лагъана, ада, ахварай аватиз кичIела, птулдин курум-курум гьекъ акъатнавай пелез явашдаказ са темен гана.

Яраб, а теменда играмивилин, кIани вилин, багъавилин, уьмуьрдал кьарувили гьикъван кьуват кIватI хъанвайтIа!..

Парадда иштиракна

Малум тирвал, алай 2020-йисан 24-июндиз чи уьлкведин меркез тир Москвада Ватандин Чехи даяеда къазанмишай Гъалибвили 75 йис тамам хъунин гуьрметдай чIехи военный парад кьиле тухвана.

Уьлкведин кьилин майдандилай 216 военный техника фена. Абурун жергеда цIийибур тир БМП Т-15 ва «Курганец-25», Сириядин женгерин тежриба фикирдиз кьачуналди цIийикIа туьхкIуьрнавай «Танцерь – СМ», ТОС-2 огнеметный система, броневтомобиль «Тайфун - ВДВ», «Деривация – ПВО» мензилдай минаяр кутадай



инженерный кьурулуш ва маса машина авай. Меркездин кьилелай цава 75 самолетри ва вертолетри лув гана, гъа гьисабдай яз вад лагъай поколенидинди тир цIийи СУ-57 алай аямдин истребительрини.

Алай йисуз Кремлдин машгъур майдандилай 14 агъзурдалай виниз солдат, офицерар, военный училищейрин курсантар ва кадетрин корпусрин тербиячияр фена. Гьелбетда, ихътин еке бахт вирибуруз ганвач. Гъа са вахтунда ихътин лишанлу вакъиадин бахтлу сагъибрикай сад чи районгъли С. О. Макарован тIварунихъ галай Тихоокеанский высший военно-морской училищедин курсант Залимхан Пирмегъамедов хъана.

Курхуьруьн 1-нумрадин СОШ акъалтIарай Залимхан Пирмегъамедов С. О. Макарован тIварунихъ галай Тихоокеанский высший военно-морской училищедик эгечIна. КIелунив эгечIай сифте йикъарилай ам вичин везифайрив еке жавабарвал гисс авуналди эгечIиз хъана, училищедин общественный ва спортдин уьмуьрда активвилелди иштирак ийиз хъана. Адаз анин преподавателрин ва санал кIелзавай курсантрин арада еке гуьрмет ава. Адахъ гьакI кIелунра ва спортда хъсан агалкьунар ава. ИкI, 2019-йисуз ада какахъай кукIунрай (ММА) Владивостокдин Кубок патал 18 йисалай виниз яшар хъанвайбурун арада кьиле феи акъажунра вичин заланвилай 1-чка кьуна ва ММА-дай адакай спортдин мастервиле кандидат хъана.

Районгълийривай чпин ватан эгълидал гьахълудаказ дамах ийиз жеда.

Чаз чи баркаллу районгълидихъ еке агалкьунар ва цIийи гъалибвилер хъана кланзава.

Гъазурайди - А. Камилов

РикІерин садвал, уьмуьрдин бахтлувал

ХИЗАН. КІАНИВАЛ. ВАФАЛУВАЛ. И пуд гафуни сада-садаз къуват, чим, сихвал гузва. Абурад галачиз масад фикирдизни гъиз жедач. Эгер сад хкудайтІа, тамамвилек синих акатда. КІанивилин гъиссер авачиз хизан кутаз жедач. Хизандин квайни квай кве дестек яз гъисабзавай гъульуьнни папан арада вафалувал амуьк тавурла, чара хъунин месэлаи кватзава. ГъакІ хъайила, хизандин бинеяр, имаратар хуьзвайди кІанивални вафалувал я.

И кар алай месэлар фикирда къуна, Россиядин Федерацияда 2008-йисалай Вирироссиядин хизандин, кІанивилин ва вафалувилин югъ сувар хъиз киле тухува. Ам цийи сувар я. Адан яржи гуьзел чІутран цуьк я. РикІел аламатІа, 2008-йис Хизандин йисни яз малумарайди тир.

Вирироссиядин хизандин, кІаниви лин ва вафалувилин югъ РФ-дин Госдумадин депутатрин теклифдалди тайнарайд я. И теклифдин тереф уьл кведин диндин вири организациирини хвена, вучиз лагъайтІа хашпарайрин, мусурманрин, чувудрин динрани хизандин, михи кІанивилин, вафалувилин месэлайриз кылин фикир ганва ва къени вафалу, муьгъуббатлу хизанар абуру чешне язни кьалурзава.

Госдумадин депутатрал къведалди ихтин сувар тешкилуни фикир сифте яз Владимирский областдин Муром шегердин агъалийриз атана. Кардин кыл ана ава хъи, Муромда ихтин риваят ама. Муромдин князь Петрдин вичин уьмуьрдин юлдаш Феврония пара кІандай ва ам адаз вафалуни тир. 1228-йисан 8-июлди абур кьведни са юкьуз рагъметдиз фена. Къилди-къилди чкайра эцигнавай абурун мейитарни, суьгъурдин махуник квайди хъиз, са мафеда гъатна. Им инсанрини зурба аламат хъиз къабула. Сад-садаз кІани ва вафалу кьведни Муромдин пак Троицкий монастырда кучукна. Абурун гуьрметдай, чешнелу, къадимлу хизанрин сан артухарунин фикир аваз цийи суварни тешкилна. Им лап кутугай ва хъсан кар я.

Къве кас, гъуьлни паб санал ва яргъалди яшамаш хъунин себебар чирун патал алимри, пешекарри ахтармишунар авуна. Малум хъайивал, санал 25 йисуз яшамаш хъайибурун 58 процентди чеб бахтлу инсанар, хизанар яз гъисабна. Ибурукайни 80 процентди чпиз хизан, хуш алакьаяр, кІанивал, вафалувал хуьз куьмек гайиди шадвиллин, зарафатдин, сада-садалай гъил къачунин гъиссер, гьерекартар я лагъана.

Хизандин сагъвал, тамамвал государстводин законрини хуьва. Россиядин Федерациядин Конституциядин 38-статьяда кхъенва: «Дидедал ва аялвал, хизан датІана государстводин къаюмвилек ква. Аялрин гъакъиндай къайгъударвал авун, абуруз дуьзгъун тербия гун диде-бубайрин сад хътин везифаяр я. Цемумъжуд йисалай алагнавай, зегъметдиз къабил аялрини диде-бубайрин гъакъиндай къайгъударвал авун лазим я».

Цийи сувариз талукъ яз медални акъуднава, ам 8-июлди яргъалди санал яшамаш жезвай муьгъуббатлу, вафалу хизанриз гузва. Инанмиш я, и гуьзел суварал гъар са хизанди шадвалда ва хуси хизан хуьн патал гъар сада чпелай алакьдай къван хъсан крарни ийида.

Асият Мирзалиева

ДЕРБЕНТСКИЙ МЕЖМУНИЦИПАЛЬНЫЙ ОТДЕЛ УПРАВЛЕНИЯ РОСРЕЕСТРА ПО РЕСПУБЛИКЕ ДАГЕСТАН ПРЕДУПРЕЖДАЕТ

Статистика природных пожаров показывает, что их всплеск наблюдается в выходные дни, когда люди массово направляются отдыхать на природу, а также во время дачного периода. Большинство пожаров возникает в результате сельскохозяйственных палов, сжигания мусора, в местах пикников, сборе грибов и ягод, во время охоты, от брошенной горячей спички, непотушенной сигареты. Часто можно видеть, насколько завален лес, обочины дорог бутылками и осколками стекла. В солнечную погоду эти осколки фокусируют солнечные лучи как солнечные линзы. Не полностью потушенный костер в лесу или на поляне служит причиной последующих больших бедствий.

Основным виновником природных пожаров является человек – его небрежность при использовании огнем во время работы и отдыха.

С целью предупреждения чрезвычайных ситуаций Дербентским межмуниципальным отделом Управления Росреестра по Республике Дагестан будет проводиться разъяснительная работа, по недопущению сплошного выжигания растительности (пала). В связи с наступлением весенне-летнего периода, Дербентский межмуниципальный отдел Управления Росреестра по Республике Дагестан напоминает, что государством установлены обязательные требования пожарной безопасности к использованию открытого огня и разведению костров на землях с/х назначения и землях запаха - пунктами 218 и 283 Правил противопожарного режима в Российской Федерации, утвержденных Постановлением Правительства РФ от 25.04.2012 №390, запрещается:

- выжигание сухой травянистой растительности, стерни, пожнивных остатков (за исключением рисовой соломы) на землях сельскохозяйственного назначения и землях запаса, разведение костров на полях;

- в полосах отвода автомобильных дорог, полосах отвода и охранных зонах железных дорог, путепроводов и продукте проводов выжигать сухую травянистую растительность, разводить костры, сжигать хворост, порубочные остатки и горючие материалы, а также оставлять сухостойные деревья и кустарники.

Пожар легче предупредить, чем потушить. Помните – не разводите костры для сжигания мусора вблизи жилых домов и массивов!

**Къулай шартІара кІвалахзава**

Малум тирвал, алай йисуз Россиядин почтадин Югъ пешекарвиллин сувар яз 12-июлди, гъяд юкьуз, къейд ийизва. И йикъан вилик чун Къасумхуьруьн почтунин отделенидин начальник Насрулаева Серьеца Багъаудиновнади хъ галаз гуьруьшмиш хъана. Пешекарвиллин суварин югъ тебрик авунихъ галаз санал адавай анин работникар патал кІвалахдин шартІар тешкилнавай гъалдикай, коронавирисдин тІугъвалдин четин гъалара агъалийриз гъар рекъерай къуллугъар авун гъикІ эцигнаватІа суьгъбет авун тІалабна. Агъадихъ чна адан куьруь суьгъбет гузва.

- Тебрикдай чухсагъул. Чи коллективда вири 26 касди (сотрудники) кІвалахзава: начальник, адан заместитель, 6 кас операторар ва 18 касни почтальонар.

Чи отделенидин дарамат ремонт ийиз эгечІайдалай гуьгъуьнни чна чи кІвалах дарискъал сортировочныйда киле тухуз хъана.

Гена, Аллагъдиз шукур чи почтунин отделенида ремонтрин кІвалахарни акъалтІарна. Гъа са вахтунда коронавирус лугъудай тІугъвал акъатайла чи къайда-дик квай кІвалахар мад къеве гъатна.

И гъалдизни килиг тавуна, чна Роспотребнадзордин истемисунрал кІевелай амал авуналди, чи кІвалахда кылин фикир инсанрин сагъламвал хуьнин кардиз гана.

Алай вахтунда чна еридивди ремонт авунвай дараматда къулай шартІара кІвалах

зава. Лагъана кІанда, чна гъар йисуз газетар ва журналар кхьинин кампаниядани активвилелди иштиракзава.

Алай вахтунда райондин агъалийри йисан 2-паюна 900 экземпляр «Лезги газет», 550 экземплярдин къадарда аваз райондин «Куьредин хабарар» газетар, гъакІни «Самур», «Дагъустандин дишегъли», «Кард» журналар къачузва. Чна райондин агъалийриз посылкалар рекъе тунин, вахкунин ва са жерге маса рекъерайни къуллугъар ийизва. Чкадал агъалийривай ишлемишнавай тІебиатдин газдин ва экверин пулар гунни тешкилнава. Санлай къурла чи коллектив вичин хивевай жавабдар везифайрив жавабдарвал гъисс авуналди эгечІзава.

Мумкинвилерикай менфят къачуналди, аз чи отделенидин вири работникриз, ана кІвалах авур вири ветеранриз чпин пешекарвиллин сувар – Россиядин почтадин югъ рикІин сидкъидай мубарак ийиз кІанзава. Къуй квехъ чандин мягкем сагъламвал, хизанра бахт, берекат, гъар са карда агалкъунар хуьрай, играмибур!

Абидин Камиллов

ШикІда: цийиз туькІуьр хъувунвай Къасумхуьруьн почтунин отделенидин вилик патан ақунар.

ЕГЭ-яр вахкуз эгечІнава

Вири уьлкведа хъиз, чи райондани Сад тир государственной экзаменар вахкунив эгечІнава. ИкІ, ЕГЭ-яр киле тухунин расписаниди хъ галаз къадайвал, выпускникри 3-июлди географиядай, литературадай, информатикадайни ИКТ-дай государственной экзаменар вахкана. Экзаменар Къасумхуьруьн 181-нумрадин ППЭ-да киле тухува.

Чи района информатикадайни ИКТ-дай 7 выпускникди, литературадай 6 ва географиядайни 2 касди ЕГЭ-яр вахкудайди малумарнава. И пунктуна госэкзаменар Къурагъ, Хив ва Агъул районрин жегъил аялрини вахкана. Вири 34 кас регистрация авунвай. Абурад 4 классда ацукъарнавай. Абурад ВУЗ-рик экечІун патал талукъ предметрай ЕГЭ-дин нетижаяр герек тир умуми образованидин тешкилатрин выпускникар тир.

Литературадай ва информатикадай экзамендин кІвалах киле тухун патал 3 сятни 55 декъикъа, географиядайни 3 сят вахт ганвай.

А карни къейд ийиз кІанзава хъи, экзаменар санитариядинни эпидемиологиядин нормайрал ва истемисунрал амал авуналди киле тухува. Пунктунин вилик гъаф инсанар кІватІ тахун патал выпускникар экзаменриз арада са метрни зур къадардин мензилдал амал авуналди, виликамаз туькІуьрнавай графикдин бинедаллаз физва. Аяларни сад-садавай къакъуднавай партайрихъ ацукъарзава. Пункт антисептикралди, стерильный маскайралди ва медицинадин бегълейралди, гъакІни путулкайра авай хъвадай целди ва герек кхьидай ручкайралди таъминарзава. Классра гъава михи ийидай приборар эцигнава. Экзаменрив эгечІдалди ва куьтягъ хъайидалай гуьгъуьнни анаг дезинфекция ийизва.

ЕГЭ киле тухунин тайинарнавай къайдайрал амал авунал гуьзчивал тухун общественный гуьзчивал тухудайбуру ва федеральный экспертри таъминарзава.

РикІел хкиз кІанзава, госэкзаменар киле тухун 25-июлдалди давам жеда.

Гъазурайди – Абидин Камиллов

Утерянный аттестат об основном среднем образовании за № А 7309711, выданный в 2001 году МКОУ Юхаристальской СОШ на имя Абдурагимовой Зухры Дасимовны, считать недействительным.

«КЮРИНСКИЕ ИЗВЕСТИЯ»
(на лезгинском языке)

Тешкилатчи: Сулейман-Стальский райондин администрация
Къилин редактор А. М. Мирзалиева
Редакциядин ва издателдин адрес: 368760, Къасумхуьр,
СтІал Мусаибан куьче, 3. Телефон: 3-41-65
Печатдин кІвал
Газетдин электронный почта kizvestiya86@mail.ru

Газета зарегистрирована Южным окружным межрегиональным территориальным управлением по делам печати, телерадиовещания и средств массовых коммуникаций, регистрационный номер ПИ №10-4325 от 28.01.2002г.

Редакциядинни макъалайрин авторрин фикирар сад тахун мумкин я. Макъалайрин, абура гъизвай делилрин дуьзвиллин патахъай жаваб авторри чни гуда. Макъалайриз рецензияр гуьзвач ва абурад элкъвена вахкузвач.
Чап ийиз вахкудай вахт 15:00. Чап ийиз вахкана 10:30
Газетдин индексар: Йисан – 63323; Зур йисан – 51369
Газет йиса 52 сеферда акъатзава.
Гъ – И лишандик квай материалар гъакъидихъ чапзавайбур я.
12+ - Икъван яшар хъанвайбуру кІелрай.
Газет ООО «Типография-М» типографияда чапна, 368600, Дербент шегер, С. Къурбанован куьче, 25. Тираж 1250. Зак. №